



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ԼԵԶՎԻ ԿՈՄԻՏԵԻ ՆԱԽԱԳԱՀ
ՀՐԱՄԱՆ

29 հունվարի 2024 թվական, 06

Ք. Երևան, Կիևյան 16

ՎԱՐՉԱԿԱՆ ԻՐԱՎԱԽԱՆՏՄԱՆ ՎԵՐԱԲԵՐՅԱԼ
ՎԱՐՈՒՅԹ ՀԱՐՈՒՅՇԵԼՈՒ ՄԱՍԻՆ

Հիմք ընդունելով Հայաստանի Հանրապետության լեզվի կոմիտեի վարչական իրավախախտումների բաժնի ավագ մասնագետ Տիգրանուհի Օհանյանի 2024 թվականի հունվարի 29-ի հաղորդումը «Կիբեռ արենա» սահմանափակ պատասխանատվությամբ ընկերության՝ Հայաստանի Հանրապետություն, ք. Երևան, Կոմիտասի 37/1 հասցեում գործող համակարգչային ակումբում Վարչական իրավախախտումների վերաբերյալ Հայաստանի Հանրապետության օրենսգրքի 189³-րդ հոդվածով նախատեսված՝ ցուցանակները ոչ հայերեն ձևավորելը զանցակազմին համապատասխանող դեպքի վերաբերյալ և ղեկավարվելով «Պետական կառավարման համակարգի մարմինների մասին» Հայաստանի Հանրապետության օրենքի 9-րդ հոդվածի 3-րդ մասի 25-րդ կետով, «Լեզվի մասին» Հայաստանի Հանրապետության օրենքի 6-րդ հոդվածի 2-րդ մասի 2-րդ կետի «ա» ենթակետով, Վարչական իրավախախտումների վերաբերյալ Հայաստանի Հանրապետության օրենսգրքի 9-րդ հոդվածով, 254-րդ հոդվածի 1-ին մասի 6-րդ կետով, 255-րդ հոդվածով՝

ՀՐԱՄԱՅՈՒՄ ԵՄ

1. Հայաստանի Հանրապետության լեզվի կոմիտեի վարչական իրավախախտումների բաժնի պետ Լիլիթ Հարությունյանին՝ «Կիբեռ արենա» սահմանափակ պատասխանատվությամբ ընկերության՝ Հայաստանի Հանրապետություն, ք. Երևան, Կոմիտասի 37/1 հասցեում գործող համակարգչային ակումբի ցուցանակները ոչ հայերեն ձևավորմամբ լինելու փաստով ապահովել վարչական իրավախախտման

վերաբերյալ վարույթի հարուցումը «Կիբեռ արենա» սահմանափակ պատասխանատվությամբ ընկերությունում:

2. Հայաստանի Հանրապետության լեզվի կոմիտեի վարչական իրավախախտումների բաժնի գլխավոր մասնագետներ Արմեն Ավետիսյանին և Նարինե Ռուշանյանին՝

1) պարզել Վարչական իրավախախտումների վերաբերյալ Հայաստանի Հանրապետության օրենսգրքի 189³-րդ հոդվածով նախատեսված՝ ցուցանակները ոչ հայերեն ձևավորելը զանցակազմին համապատասխանող դեպքի առկայությունը «Կիբեռ արենա» սահմանափակ պատասխանատվությամբ ընկերության՝ Հայաստանի Հանրապետություն, ք. Երևան, Կոմիտասի 37/1 հասցեում գործող համակարգչային ակումբում.

2) «Կիբեռ արենա» սահմանափակ պատասխանատվությամբ ընկերության՝ Հայաստանի Հանրապետություն, ք. Երևան, Կոմիտասի 37/1 հասցեում գործող համակարգչային ակումբում Վարչական իրավախախտումների վերաբերյալ Հայաստանի Հանրապետության օրենսգրքի 189³-րդ հոդվածով նախատեսված՝ ցուցանակները ոչ հայերեն ձևավորելը զանցակազմին համապատասխանող դեպքի առկայության, ինչպես նաև լեզվի բնագավառում այլ իրավախախտումներ հայտնաբերելու (բացահայտելու) դեպքում օրենքով սահմանված կարգով հարուցել վարչական իրավախախտման վերաբերյալ վարույթ և արձանագրել վարչական իրավախախտման դեպք(եր)ը, վարչական իրավախախտման վերաբերյալ արձանագրությունը կազմելիս ապահովել «Կիբեռ արենա» սահմանափակ պատասխանատվությամբ ընկերության տնօրեն Մարտուն Էդգարի Երանոսյանի ներկայությունը:

3. Հրամանի կատարման ժամկետը՝ 2024 թվականի հունվարի 30-ից 2024 թվականի փետրվարի 26-ը:



ՍԻՐԱՆՈՒՇ ԴՎՈՅԱՆ